



Nýr Landspítali staða framkvæmda og fréttir af verkefninu

- **Útboð á uppsteypu á rannsóknahúsi**
- **Skóflustunga að húsi Heilbrigðisvíndasviðs Háskóla Íslands**
- **Fréttir af uppsteypu meðferðarkjarna**
- **Veðurprófanir á útveggjaeinum sem munu prýða meðferðarkjarnann**
- **Niðurstaða forvalsnefndar um listaverk og kynnisferð um framkvæmdasvæðið**
- **Jarðvinna við rannsóknahús og hús Heilbrigðisvíndasviðs Háskóla Íslands – Kynningarfundur í Læknagarði**
- **Framkvæmdir við bílastæða og tæknihús**

Útboð á uppsteypu á rannsóknahúsi



Rannsóknahúsið verður á fimm hæðum ásamt kjallara

Uppsteypa á nýju rannsóknahúsi hefur verið boðin út og er um að ræða almennt útboð um opinber innkaup og er ótilteknum fjölda, með almennri útboðsauglýsingu, gefinn kostur á að gera tilboð.

Útboð þetta tekur til uppsteypu vegna byggingar rannsóknahúss, sem verður 17.808 fermetrar að stærð á fimm hæðum ásamt kjallara.

Að sögn Jónasar Jónatanssonar, teymisstjóra áætlana og innkaupa hjá NLSH, er ánægjulegt að styttilist í opnun tilboða í uppsteypu á rannsóknahúsini.

„Hönnun hússins hefur reynst tímafrekari en gert hafði verið ráð fyrir sem hefur seinkað útboðinu. Um er að ræða afar mikilvægan hlekk í uppbyggingunni við Hringbraut. Við vonumst eftir góðri þátttöku öflugra verkta ka í útboðinu og að sjálfsögðu eftir hagstæðu verði enda um stórt og spennandi verkefni að ræða,“ segir Jónas.

Tilboð verða opnuð 5. september næstkomandi.

Skóflustunga að húsi Heilbrigðisvíndasviðs Háskóla Íslands




Formleg skóflustunga var tekin 4.júlí að húsi Heilbrigðisvíndasviðs Háskóla Íslands.


Þann 4.júlí var tekin formleg skóflustunga vegna nýs húss Heilbrigðisvíndasviðs Háskóla Íslands á lóð Landspítalans við Hringbraut. Húsið mun gjörbylta aðstöðu til kennslu og rannsókna í heilbrigðisvíndum en í því munu nær allar deildir Heilbrigðisvíndasviðs sameinast í nýrri rannsókna- og kennslubyggingu. Áætlað er að húsið verði risið á Hringbrautarsvæðinu í nágrenni nýs Landspítala síðla árs 2026 en heildarstærð þessa nýja húss Heilbrigðisvíndasviðs verður um 18.200 m² þar af er nýbygging um 10.000 m².

Fyrir hönd Háskóla Íslands tóku eftirfarandi skóflustunguna: Jón Atli Benediktsson rektor, Unnur Þorsteinsdóttir, forseti Heilbrigðisvíndasviðs og nemarnir Sigríður Helga Kárdal Ásgeirs dóttir og Daniel Thor Myer, sem bæði eru í sviðsráði Heilbrigðisvíndasviðs og í stúdentaráði HÍ. Ásdís Halla Bragadóttir, ráðuneytissjóri háskóla-, iðnaðar- og nýsköpunarráðuneytisins og Runólfur Pálsson, forstjóri Landspítala, fyrir hönd Landspítala háskólasjúkrahúss.

Fréttir af uppsteypu meðferðarkjarna



Reiknað er með að uppsteypa stanga nr. 4 og nr. 5 ljúki í lok árs



Millibyggingar stanga rísa nú hratt meðfram uppsetningu stálvirkis

Uppsteypa meðferðarkjarna hefur gengið vel í sumar og í stöngum eitt, tvö og þrjú er búið að steypa þakplöturnar.

„Unnið er að uppsteypu á millibyggingum og tveimur síðustu hæðunum í stöngum fjögur og fimm. Samhliða uppsteypunni er unnið að uppsetningu stálvirkis og stigum í millibyggingum. Vinna við tengiganga og bílastæða- og tæknihús er í fullum gangi. Tengigangur á milli meðferðarkjarna og rannsóknahúss er á lokastigi, en þegar fyllt hefur verið að ganginum verður Burknagatan aftur opnuð fyrir framkvæmdaumferð. Tengigangur

norðan meðferðarkjarna er á lokastigi og verður byrjað að fylla að honum á næstu vikum. Uppsteypa bílakjallara undir Sóleyjartorgi er komin á fullt skrið og þar er verið að steypa undirstöður og fylla inn í grunninn undir botnplötu, „ segir Árni Kristjánsson staðarverkfræðingur Nýs Landspítala.

Veðurprófanir á útveggjaeiningu sem munu prýða meðferðarkjarnann



Viðamiklar prófanir hafa verið gerðar á útveggjaklæðningu meðferðarkjarnans

Að undanfornu hafa staðið yfir víðtækjar prófanir á útveggjaeiningu meðferðarkjarna. Prófanirnar eru framkvæmdar af óháðri prófunarstöð í Bretlandi. Tvær mismunandi gerðir af útveggjaeiningu eru prófaðar og strangar kröfur er gerðar gagnvart jarðskjálfta og einnig til erfiðra veðurskilyrða. Þegar hefur fyrri útveggjaeiningin verið prófuð. Prófanir á seinni útveggjaeiningunni munu fara fram á næstu vikum. Framleiðslan á útveggjaeiningunum fer senn að hefjast en von er á fyrstu sendingunni á haustdögum þegar uppsetning hefst.

„Við fengum nýlega þær góðu og skemmtilegu fréttir að fyrri útveggjaeiningin hefði staðist prófanir. Það er gaman að sjá alla þá krefjandi vinnu síðastliðna mánuði sem liggur að baki hönnun útveggjaeininganna verða brátt að veruleika. Samvinna milli verktaka, Staticus, hönnuða, Corpus3 og ráðgjafa, Buro Happold hefur gengið mjög vel frá upphafi sem er augljóslega að skila sér,“ segir Bergþóra Smáradóttir verkefnastjóri hjá NLSH.

Niðurstaða forvalsnefndar um listaverk og kynnisferð um framkvæmdasvæðið



Það var blíðviðri á framkvæmdasvæðinu þegar heimsókn listamannanna stóð yfir

NLSH stóð nýlega fyrir forvali að lokaðri samkeppni um listaverk þar sem samkeppnissvæðið er Sóleyjartorg, aðalaðkomutorg meðferðarkjarnans.

Lögð var áhersla á að listaverkið verði hluti af heildarhönnun almenningsrýmisins í kringum nýja Landspítalann og verði áberandi kennileiti svæðisins.

Niðurstaða forvalsnefndar í samkeppninni liggur nú fyrir og af því tilefni var hópnum boðið í kynnisferð til að skoða framkvæmdasvæðið.

Alls bárust 51 umsókn um þátttöku í forvalinu og voru eftirtaldir listamenn valdir til þátttökus í lokaða hluta samkeppninnar.

- Haraldur Jónsson og Anna María Bogadóttir
- Katrín Sigurðardóttir
- Ólöf Nordal
- Rósá Gísladóttir
- Sigurður Guðjónsson
- Þórdís Erla Zoëga

Forvalsnefndina skipuðu:

Sigurður H. Helgason, tilnefndur af NLSH, formaður

Dorothée Kirch, tilnefnd af Reykjavíkurborg

Þóra Þórisdóttir, tilnefnd af SÍM

Jarðvinna við rannsóknahús og hús Heilbrigðisvíndasviðs Háskóla Íslands – kynningarfundur í Læknagarði



Aukin jarðvinna við grunn rannsóknahúss fer senn að hefjast



Kynningarfundurinn í Læknagarði var fjölsóttur meðal starfsmanna

Nú er unnið við jarðvinnu í grunni rannsóknahúss og einnig eru framkvæmdir við hús Heilbrigðisvíndasviðs Háskóla Íslands að hefjast með haustinu.

„Í ágúst hefst aukin jarðvinna í grunni rannsóknahússins því það reyndist nauðsynlegt og sú vinna innifelur borun og sprengingar með sama verklagi og áður. Búast má við að þessi vinna standi yfir í 8-12 vikur. Í framhaldinu verður svo farið í jarðvinnu fyrir nýbyggingu

Heilbrigðisvísvíðið HÍ (norðan og austan Læknagarðs). Við erum ekki að gera ráð fyrir miklum sprengingum þar þó svo að þær gætu orðið einhverjar en hins vegar gæti orðið talsvert um fleygun með tilheyrandi óþægindum fyrir starfsemi í Læknagarði. Þessi vinna mun fara fram nú á haustmánuðum og fram til áramóta,” segir Ásbjörn Jónsson sviðsstjóri framkvæmdasviðs NLSH.

Þann 15. ágúst var haldinn kynningarfundur fyrir starfsmenn í Læknagarði vegna jarðvegsframkvæmda í nálægð við Læknagarð á næstu vikum og mánuðum. Ásbjörn Jónsson og Ólafur M. Birgisson frá NLSH fóru yfir stöðu framkvæmda og þau áhrif sem þær hafa á starfsemi í Læknagarði.

Framkvæmdir við bílastæða- og tæknihús




Uppsteypa á bílastæða- og tæknihúsi er í góðum farvegi

Uppsteypa bílastæða- og tæknihúss er komin í góðan farveg og framkvæmdir ganga vel. Verktaki hefur sett upp þriðja byggingarkranann á vinnusvæðinu og hefur starfsmönnum fjölgað. Að sögn Sigurjóns Sigurjónssonar verkefnistjóra á framkvæmdasviði NLSH er nú unnið í kjallara-hæðum K1-K3 í bílastæðahluta og í tæknihluta er búið að steypa 60 cm þykka plötu undir nýjar varaafslvélar spítalans. Tæknihluti hússins hýsir ekki einungis varaafslvélar heldur einnig kælivélar, varakyndingu ásamt miðstöð fyrir hin ýmsu rafmagnsmál s.s. stóra rafmagnsspenna og rafmagnstöflur og munu þjónusta bæði nýjar og gamlar byggingar spítalans þegar kerfin verða tekin í notkun.

Skýringarmynd

Yfirlitsmynd af svæðinu sem sýnir framkvæmdasvæði nýs Landspítala og gönguleiðir



Nánari upplýsingar.

Allar upplýsingar um framkvæmdina verða birtar á upplýsingasíðum NLSH, Landspítala og Háskóla Íslands og annarra hagsmunaaðila eftir því sem verða vill. Einnig mun upplýsingum verða reglulega komið á framfæri í fjölmöldum ef miklar breytingar verða á umferðarfyrirkomulagi.

Nánari tæknilegar- og verkframkvæmdaupplýsingar veita:

Ásbjörn Jónsson sviðsstjóri framkvæmdasviðs NLSH, 841 7050 eða netfangið asbjorn@nlsh.is

Aðrar almennar upplýsingar veitir Magnús Heimisson samskiptastjóri NLSH, 866 1378 eða magnus@nlsh.is

Sértækar upplýsingar veitir af hálfu Landspítala Andri Ólafsson 863 8595
andriol@landspitali.is og frá Háskóla Íslands Björn Gíslason 896 0876 bgisla@hi.is



nlsh.is